



V, 23.



MEMORIAE SUPREMAE
 VIRI ADMODUM REVERENDI ET CELEBRATISSIMI
 DN. JOHANNIS DVRRII
 S. THEOLOGIAE DOCTORIS
 SERENISSIMO PRINCIPI ANHALTINO
 IN AVLA SERVESTANA
 A CONCIONIBVS AVLICIS
 CONSILIIIS ECCLESIASTICIS
 ET CONFESSIONIBVS SACRIS
 IN AEDE BARTHOLOMEANA PASTORIS
 DIOECESEOSQ. SERVESTANAE SVPERINTENDENTIS VIGILANTISSIMI
 AD D. VI. DECEMBR. INTRA III. ET IV. POMER.
 ANNI CHRISTIANI M DC LXXXIX.
 IN DOMINO PLACIDE DEFVNCTI.

SERVESTAE
 TYPIS JOH. ERN. BEZELII. I. G. A. TYPOGR.

ÆHEV FER ALES DIEI DOMINICÆ FERIAS!

Imperat acerba Libitina funebre sacrum,
Sacro Eruditorum ordini funestum & acerbissimum,
ut Theologo Veterano, ex ærumnosa mortalitate pie evocato,
justa faciant pii mortales,
ad vitæ exitum juste vicissim vocandi.

DECESSIT E MEDIO

Vir admodum Reverendus, autoritate, doctrina & rerum
usu celebratissimus,

DN. JOHANNES DVRRIVS S. THEOL. DOCTOR,

Serenissimi Principis ac Domini, Domini

**CAROLI WILHELMI, PRINCIPIS ANHALTINI,
DVCIS SAXONIÆ, ANGRIÆ ET WESTPHALIÆ,
COMITIS ASCANIÆ, DOMINI SERVESTÆ, BERENBURGI,
JEVERÆ ET CNIPHVSII &c. &c.**

Domini nostri Clementissimi,

Consiliarius Ecclesiasticus, Concionator Aulicus Primarius
& Confessionarius, Ædis Bartholomæanæ Pastor,
nec non diœceseos Servestanæ Superintendens modo Vigilantissimus.

NATALES ILLI PRIMOS indulsit

Illâ Principe Electore, populo, opibus & operibus suis inclyta DRESDA

A. O. R. M DC XIII. d. xxx. August. intra 7. & 8. pomerid.

quibus in S. regenerationis lavacro paulo post ALTERI accesserunt,
ut lucis utriusque usuram plenis manibus acciperet,

PATERNA FAMILIA DVRRIANA

in patria urbe

& cum primis in Germaniæ oculo Norimberga,
ab aliquod seculis, secunda fama eminuit,
ob spectatam artis in aurificina peritiam,
& integram in re integerrimè faciendâ fidem,
haut facile ulli secunda.

MATERNA FRANKIANA,

Monetarij Electoralis Saxonici officii clara,
singularis domesticæ pietatis exempla dedit honestissima.

Provida parentum cura incorruptaq; disciplina,
tenerioribus annis,

pietatis & virtutis sensus sensim instillabatur,
cautumque fuit accurate,

ne cærea ætas

ad irritamenta inania inaniter deflecteret,
vel in discrimen inquinatum salutem inimice adduceret.

In

In obeundo hoc tempore,
eximiae indolis speciem decoram decore offerens,
toga pura eximie adolevit,
& vix ephebus, atq; etiam patre jam orbis,
nihilofecius pia Matris pia sollicitudine,
ad Electorale Miseneum provehitur,
Amplissimique Senatus Dresdensis munificentia,
per integrum sexennium ibidem liberaliter habitus,
Ejusdem favorem, habili industria, solerter demeruit.

Inde cum elogio navatae operae dimissus,
felici omine in Celeberr. Wittebergensium Academiam concessit,
nactus in Philologia & Philosophia Doctores,
eruditionis & meritorum fama toto orbe literario notissimos,
Augustum Buchnerum, Ericum Ostermannum, Martinum Trostium,
Jacobum Martini, Schmidium, Scharfium, Sperlingium, Wendelerum,
quibus assidue, & quod nec *av[er]didax* [?],
nec deses, nec otiosus, nec luxuriosus esse voluit,
constanter adhaesit.

Defunctus deinceps melioris profectus publicis privatisque periculis,
summam in Philosophia lauream consequitur anno seculi xxxvi.
eoque *Beg. Bei'w* magis adhuc excitatus,
scholas ipse coepit habere,
tanta animi & virium contentione,

ut tum praelegendo, tum disputando, in singulos pene dies,
exquisitas operas, egregio juventutis bono, diligenter pertexeret.

At enim quod prae-textatus adhuc Theologiae se consecraverat,
usus est eodem Lyceo Professoribus Clarissimis,
Welleri, Röbero, Lysero & Hülfemanno, magnis suis Theologis,
fecitque progressus laudatissimos,
ut consensu omnium,

proximo quadriennio, in ordinem Adjunctorum solenniter cooptaretur.

Commendatus postmodum A. M DC XLII,

SERENISSIMO PRINCIPI

DIVO JOHANNI, PRINCIPI ANHALTINO &c. &c. GLOR. MEM.

Dominica III. Adventus, quae hodie exequialis est,
coram Aula Illustrissima, primam ex suggestu Orationem sacram habuit,
gratiamque protinus invenit, qui dignus judicaretur,

ut vocatione & mandato Principali inauguraretur Ecclesiastes Aulicus.

Biennio nondum elapso constitutus est Aedis ad D. Barthol. Pastor,
Mox & alteris bisbinis annis Dioeceseos Servedanae Superintendens,
servatis ubique dignitatis & munerum Ecclesiasticorum gradibus,
quibus gressus properos & prosperos, ad aedificationem Ecclesiae
propitum verteret.

His functionibus gravissimis exercitus & confirmatus,
A. M DC LVIII. supremis in Theologia honoribus
a perquam Rever. Facult. Theol. Wittebergens. rite decoratur,
multorumq; meritorum multam & amplissimam remunerationem assequitur.

(a) 2

Acce-

Accepit in matrimonium, singulari providentia Dei,
 SABINAM BERNSTEINIAM,
 Georgii Bernsteinii Pastoris Engeldorfiani prope Lipsiam filiam,
 Nuptiis Servestæ A. M DC XLV. d. 26. Aug. cum ea celebratis:
 Sed quod sobole fœcundum non fuit,
 Repensum est concordi & suavissima tranquillitate,
 Qua confortes unanimes in annum XLIII. conjunctissime vixerunt.
 Cæteris vitæ suæ negotiis,
 Cum vigiles curas, fidemq; bonam, curiose & jugiter interponeret,
 Vigentis animi, fixæque doctrinæ & operæ testimonia & monumenta
 Comparavit sibi & reliquit, ad memoriam insignia,
 Quæ lapsu temporum haut quaquam intercident.
 Receptâ S. P. in Protestantium Ecclesiis Augustanæ Confessionis professionem
 Magno Zelo propugnavit & defendit,
 Perosus sententias analogiæ suæ fidei adversantes,
 Nihil remisit de necessariorum officiis, administer sacrorum indefessus,
 Validus in adhortationibus, in reprehensionibus cordatus,
 Rebus afflictis de onerosæ fortis allevamento confidens,
 Probrosis turpitudinibus & vitiosæ vitæ infensus & inimicissimus.
 Firmum corporis habitum infirmitate valetudinis vix unquam tentatum,
 Frugi victu sustinuit validissime,
 Et qui laboribus frangi non posse videbatur,
 Fractus demum est fatali naturæ fatiscentis *αὐθιγῆς*,
 Quam senectæ vis inevitabilis, uno præsertim anno, quo viduus fuit,
 Ex defectione succi naturalis & langvore langvide induxit,
 Animadvertens ita, restitutioni diffidendum,
 Ad beatam e vita migrationem animum serio convertit,
 Acceptoq; immortalitatis & æternæ vitæ pignore,
 Vasa tempestive collegit,
 Dispositis ad voluntatem suam, composita mente, rebus suis,
 Ne hora decretoria rueret,
 Et se aut distringentem aut imparatum serius ocyus opprimeret.
 Exin continuo anhelans beatum discessum,
 Quem a vitæ & mortis arbitro, O. M. Deo sibi integro optavit,
 Inter preces & suspiria Collegarum pastorum adstantium,
 Tandem integris sensibus placide & leniter est consecutus,
 Die VI. DECEMBR. circiter 4. pomer: ætatis anno LXXVII.
 Exuviis in tumulo, quem sibi Vivens struxit,
 Christiano ritu condendis prima post m. hodiernæ diei constituta est.
 Hujusce igitur funeris exsequias,
 VOS ILLVSTRIS GYMNASII ANHALTINI STUDIOSI CIVES,
 Ut frequenti comitatu prosequamini,
 Et B. DEFVNCTO D. SVPERINTENDENTI ultimum humanitatis officium
 decenter exhibeatis,
 Per Vos probe meminertis.

T. C. R.

P. P. SERVESTÆ DOM. III. ADVENTVS DNI. A. C. M DC LXXXIX.

La 6938

40

ULB Halle 3
004 832 175



St

V077

n. 1





